

孚惠全書

平惠全書卷四十八

截撥裕食二

乾隆八年正月十三日奉

上諭前據閩浙總督那蘇圖等奏稱閩省需用米穀懇請截留浙江漕米二十萬石運閩備用部議未會准行在部臣持籌全局立議因屬允當但閩省產米無多轉輸不易那蘇圖為豫籌積貯起見恐一時豐歉不齊臨期難於部署復申前請著照所奏將浙江尾幫漕米截留十萬石運赴閩省以裨益緩急計漕臣奉到此旨之日正浙省尾幫到蘇之時查乾隆三年撥江廣之米運往閩省總兵陳倫炯曾將米石由長江換海舶出口海運直抵

閩省此番亦應就近由海運閩更為便捷該部即
速行文漕運總督及江南督撫並崇明總兵張天
駿知之

六月二十日奉

上諭河間天津地方今年雨澤愆期米價昂貴不
得不速籌接濟之道查上年通倉存貯有口外採
買備用之粟米著先撥十萬石運送天津其何以
分貯平糶賑恤聽總督高斌酌量辦理可即傳諭
倉場侍郎雇船運送並著坐糧廳恩特督運速赴
天津上一應搬運之費照例開銷該部速諭速行

七月初八日奉

上諭前因直隸天津河間等屬夏間被旱米價昂

貴朕特降諭旨令倉場總督撥通倉米十萬石分貯被旱各州縣以備平糶撫恤之用今據高斌奏稱被旱之地已經成災除先行的量撫恤外現在查明分別賑卹照例於冬月開賑等語朕思開賑之後需米必多著倉場總督於通倉撥粟各色米內再撥四十萬石於現撥十萬石運完之後即行接運務於八月內全數運津令總督高斌分發各處水次就近轉運接濟冬間賑恤該部遵諭速行

十九日奉

上諭漕運關係京師積貯原本便輕議截留但目前京倉尚屬充裕而各省倉儲正在需米孔亟倘爾變通尚屬可行著將乾隆甲子年江蘇安徽浙

江江西湖北湖南六省應運京漕糧各留十萬石
於本省再著江蘇浙江各將十萬石運往福建著
江西將十萬石運往廣東以備緩急之用此朕格
外之恩不得援以為例

九月初五日奉

上諭朕軫念民艱以米糧為民食根本是以各關
米稅槩行蠲免其餘貨物照例徵收至於外洋商
人有航海運米至內地者尤當格外加恩方副朕
懷遠之意上年九月間暹羅商人運米至閩朕曾
降旨免徵船貨稅銀聞今歲仍復帶來未聞貿易
似此源源而來其加恩之處自當著為定例著自
乾隆八年為始嗣後凡遇外洋貨船來閩粵等省

貿易帶來一萬石以上者者免其船貨稅銀十分之五帶來五萬石以上者免其船貨稅銀十分之三其米聽照市價公平發糶若民間米多不須糶買即著官為收買以補官社等倉或散給沿海各標營兵糧之用俾外洋商人得需實惠不致有糶膏之艱該部即行文該督撫將軍並宣諭該國王知之

十月十六日奉

上諭據直隸總督高斌奏稱天津河間等屬今年夏間被旱業已蒙恩賑恤第歉收之後米價尚屬昂貴聞奉天米穀豐收請弛海禁俾商人販運米穀流通俾濟天津等屬民食等語著照高斌所請

本四十八
該部即行文該總督將軍府尹等知之

十七日奉

上諭奉天將軍額洛圖因朕恭謁

祖陵經行口外恐扈從人衆沿途米糧不敷供給
奏請巡幸之先禁止米糧入關今已回鑾自應開
禁通商第恐各處關口胥役人等仍或借端阻遏
希冀勒索以致米糧一時不能流通著該將軍府
尹等作速行文關口各員弁稽查胥役毋許借端
阻遏並出示曉諭關外商民聽其運往關內各處
販賣俾米糧流通民食充裕以副朕痲瘵民瘼之
至意

二十六日奉

上諭上年將山東截漕貯設撥濟江南原屬緩
就急之計今歲夏秋之間山東濟南武定東昌三
府屬偶被偏災曾撥運登萊穀八萬石以資賑濟
嗣據奏各災屬補種之處及續報之臨邑縣復被
霜侵收成較薄又增賑糧目下賑給尚可敷用而
來春借糶不可不豫為之計著將山東本年漕糧
截留八萬石以豫備倉儲為災屬來春借糶之需
該部即遵諭行

十一月初七日奉

上諭朕前降旨令江蘇安徽浙江江西湖北湖南
等省各截漕糧十萬石存貯本省以備一時缺乏
之用今聞湖南地方本年雨水調勻中晚二稻收

成豐稔民食有損廣西今秋收成稍薄恐將來不
無需米之處湖南與廣西接壤一水可通若將截
留之漕米的撥四萬石運往廣西以備明春糶濟
似為有益著該部即行文湖南廣西巡撫遵旨會
商速辦

十二月二十一日奉

上諭直隸天津河間等處今年被災業已加恩賑
恤第歉收之後米價頗昂來歲青黃不接之時民
食未免艱難所當豫為籌畫者除督臣高斌已遵
旨遣官在奉天買米八萬石外朕思明春山東河
南漕船經由直隸地方著截留漕米十萬石今高
斌視州縣大小酌量分派存貯以敷糶借之用於

民食自有裨益其如何截留東豫各船及分貯沿河州縣之處該督卽會同倉場侍郎逐一詳悉妥議辦理

乾隆九年正月二十四日奉

上諭積貯民食所關從前各省倉儲務令足額原為地方偶有水旱得資接濟是以常平之外復許捐貯多方儲蓄無非為百姓計復因糴買太多市價日昂誠恐有妨民食因降旨暫停採買俾民間米穀自相流通價直平減亦無非為百姓計也乃近聞各省大吏竟以停止採買為省事州縣等官又多素畏積穀之累因而倉儲缺少不思常平之設不特以備荒歉卽豐稔之年當青黃不接之時

亦得藉以平糶於民食甚有關係從前所降諭旨
總在督撫大吏奉行之時將實在情形籌酌妥辦
其間因時制宜原不可執一定之見今因有停止
採買之令遂任倉穀缺少置而不理一處如此各
處效尤將來必致糶借無資又以昔年倉穀有名
無實如此因循固非設立常平本旨又詎朕停止
採買之本意乎用是特頒諭旨曉諭各省督撫務
須斟酌地方情形留心辨理應買則買應停則停
總在相機籌畫不可膠執定見希圖省事以副朕
軫念民食之至意

二月二十四日奉

上諭山東上年濟南東昌武定等屬之州縣被災

欽此朕已加恩賑濟毋使小民失所聞該省今春
雖已得雨尚未霑足將來豐歉難以豫定應及時
籌畫以備臨時之用目今東省臨內現有運京漕
糧四萬餘石著就近截留以資借糶不敷之州縣
再將北上糧船內截留漕米二十萬石分貯沿河
臨清德州二倉倘遇需用之時即動撥接濟戶部
即行文倉場侍郎及山東巡撫遵諭速行妥辦

三月二十三日奉

上諭人君以養民為急務養民之道在使之上順
天時下因地利殫其經營力作以贍其室家非沾
沾於在上之補苴殺恤遂長恃為資生之策也在
昔善圖國是者謂以君養民則不足使民自養則

有餘誠不易之論國家歲轉漕粟以資京師乃備
天庾之出納關係最重或因偶遇災歉萬不得已
而為截留之計僅可間一行之豈遂視為常法今
內外臣工動以截漕為請朕念切民依亦屢次允
從出於一時之急濟其資京倉所貯雖云可備十
年要僅為官俸兵糧所必需若饒為京師民人計
即一二年恐亦不足供支况欲更分此以賑貸直
省何未之思也漢文景間太倉之粟陳陳相因至
紅朽不可食彼時豈無一方之凶歉而未聞輕議
分減者誠以經國之大計務籌久遠在官在民於
內於外莫不各有本圖舍本圖而謀兼濟事多未
便勢且不能一有虧則兩俱損依古以來無取焉

上年各省倉儲需米孔亟因偶爾變通將江蘇
安徽浙江江西湖北湖南六省漕糧各留十萬石
於本省並著江蘇浙江各將米十萬石運往福建
江西將米十萬石運往廣東又因直隸天津河間
被災前後撥通倉米八十萬石備賑今年又令山
東截留二十萬石分貯接濟凡此皆因民命所關
不得不變通辦理小民不知各務生計而推官程
是賴無論官兵之外斷不能偏給窮黎即近漕之
處可以議截留其邊遠省分更無漕可截留又將
何以取給乎朕思一方之地利原可養一方之人
一家之人力原可養一家之人古者九職任萬民
一曰三農生九穀二曰園圃毓草木三曰虞衡作

山澤之材曰藪菽養蕃鳥獸何一非資生養贍之術為民父母民事即家事宜實心勸課隨時區畫使地無遺利民無遺力則家有蓋藏自可引養引恬俯仰不匱倘督撫不能督率有司有司復不以田里樹畜為事及穀收之年但請給發倉糧截留漕米為督撫有司備賑之良策將使民間謂水旱可以不備不圖自食其力甚至游惰成風舉身家衣食之切務皆委之在官是非愛之實以害之矣天下之大億兆人民之衆惟正之供祇有此數焉得人人而濟之用是特降諭旨通諭直省督撫並飭守牧等官各思所督何事所撫何事所稱知府事知州知縣事實應知何事凡以為民計即所

以為身計既為民計而不使民知各為其身計其能為民計者幾何繼自今替換尚各體朕心毋忽民事懇切開導並勸良有司務使百姓各知自謀以裕生養之源不徒望恩幸澤而恩澤之加斯實足以利濟則豐年樂其降康歉歲亦可恃無恐朕願與諸臣共勉之

九月二十六日奉

上諭上年直隸天津河間等屬被旱歉收朕臨幸奉天目睹收成豐稔米價平賤即降旨高斌令其前往販運至次年秋收為止本年三月內又經御史李清芳奏請寬限朕降旨寬限至今冬在案今據高斌奏稱直屬米價雖現在平減而津屬慶雲

等縣現被偏災慶邑本屬少米之鄉天津又為商賈叢集之地可否仰懇聖恩准再將奉天海禁寬展一年俾民食得有接濟等語著照所請奉天海禁准再展一年該部即遵諭行

十二月初二日奉

上諭上年據鄂彌達晏斯盛奏稱湖北有待撥直隸米二十萬石現在存貯今年直隸已獲豐收無須接濟楚北年穀全登亦無需用之處惟浙江先後被水恐來歲青黃不接之際米價易騰應請將湖北現貯之米的撥十萬石運赴浙省以備賑糶之需所撥之銀歸還楚省買補倉儲此外存貯米石如不需用即於來春糶抵倉儲等語鄂彌達等

所奏是著照所請辦理該部即遵諭行

乾隆十年六月十六日奉

上諭今年外省糧船北上者較往年為多目下直隸地方有雨少之處恐將來需用米糧接濟者總督高斌將尾幫漕糧酌留二三十萬石於天津倉存貯備用或於沿河州縣倉廩可以分貯以備撥用亦聽其酌量辦理可即速傳諭高斌等知之

七月二十五日奉

上諭前歲朕臨幸奉天日親收成豐稔米價平減而直隸通省需米之際是以降旨該督令其前往販運原以一年為限後限期將屆又准臣工條奏展限一年目下直隸慶雲等州縣收成較薄雨澤

尚有未能需足之處若果海禁稍弛商販流通米糧充裕於民食自有裨益著將奉天海禁再展限一年該部即遵諭行

二十五日奉

上諭口外二溝地方現存米一萬餘石今年熱河一帶缺雨恐米價一時昂貴著保稅率同恒文等將二溝存貯米石內酌撥數千石即速運赴熱河交地方官酌看情形以備平糶之需使米價不致高昂於隨從人等亦屬有益該部即遵諭速行

十月初五日奉

上諭今年上江之鳳潁泗下江之淮徐海等屬秋被水災朕心軫念功諭該督撫董率有司加意撫

恤窮賑兼施毋使窮民失所現在該督撫遵旨悉心辦理陸續具奏但恐該省所貯米糧未必充餘明春青黃不接之時尚須官米平糶此時應豫為籌畫况今年南漕輸京者甚多著將明年上江漕糧截留五萬石下江漕糧截留十萬石以備將來賑糶之用該部即行文該督撫遵諭行

十二日奉

上諭今年直隸宣化所屬等處被旱歉收朕諭該督多方籌畫加意撫恤日今賑務已有頭緒諒貧民不致失所但恐宣化附近州縣所貯米穀未必處處充裕可以派撥濟用未歲青黃不接之時或致米糧不敷此時應當計及著將通倉米撥五萬

石聽該督那蘇圖酌量分派於缺米州縣存貯以
為備用該部即遵諭行

二十五日奉

上諭今歲江南淮徐海三屬被災朕心軫念多方
撫卹除動支該處常平倉儲外又將江以南州縣
倉儲協撥十萬石奏用又特旨將下江漕米十萬
石留於本省以備將米糶賑之需今思被災之海
州等七州縣漕米除按分蠲免及蠲剩之米緩至
明年帶徵外其各州縣熟田應行徵解之米約計
五六萬石明春青黃不接之時與其再議協撥徒
滋搬運之煩不如將此漕米截留本處以資接濟
其各州縣正額漕糧之外尚有帶徵節年緩漕一

項應徵搭運者計二萬餘石彼地既已被災民間未免拮据亦著緩至明冬帶辦以紓民力又徐州八屬山豐縣勘不成災但閩屬惠德縣災地米穀搬運必多所有應徵漕米四千餘石及帶徵之米一千八百餘石亦著畫一辦理該部即遵諭行

乾隆十一年二月初九日奉

上諭停運漕船例給一半月糧以資苦蓋上年兩江被水朕降旨蠲緩並截留漕糧以備賑卹之用其減歇船隻自應照例支給但念該地方被災之後丁力未免艱難一半月糧恐不敷用著加恩於常例五分之一外增給二分俾窮民不致拮据該部遵諭速行

閏三月十九日奉

上諭昌平州為去年被旱之區前據總督那蘇圖奏稱於八溝保買米石內撥運昌平五千餘石以備春夏借糶之需今聞該處雨澤稀少米價漸次增長所撥米石恐不敷用著將京通倉每年例撥五城平糶色米內酌量分撥該處以資平糶其應需若干石及如何運往分廠出糶之處交與該督那蘇圖一面奏聞辦理一面咨會倉場侍郎等速行撥給

二十四日奉

上諭上年宣府所屬地方被旱歉收今春雨澤又復稀少朕去歲巡狩經過知被處為邊區保障不

可不豫籌接濟雖現存米豆尚足敷用恐將來或有急需一時難以猝辦著將通倉東米撥運十萬石分發所屬州縣以備撥給倘今歲收成豐稔即將此項為補實倉儲之計其如何陸續轉運之法著倉場侍郎會同該督妥議辦理

五月初三日奉

上諭山東濟南東昌二府所屬州縣內從前因雨澤未能霑透二麥歉收今秋禾又復望雨豐歉難以豫定將來平糶借給等項恐各州縣倉糧不敷著於未過天津漕糧內截留十萬石於德州水次有倉之州縣分貯六萬石於天津水次有倉之州縣分貯四萬石以備就近接濟該部遵諭速行

十一日奉

上諭從前降旨令豫東二省各備麥十萬石運送直省分發借糶今畿輔地方仰蒙

上天疊沛甘霖秋禾偏插糧價漸平復經降旨截留漕糧四萬石存貯天津足資接濟而河南山東據報有春末雨水不足之州縣收成下無少減朕屢念民瘼三省均屬一體其豫東二省豫備麥石均不必起運如有購買者即留於本處備用該部遵諭速行

七月二十九日奉

上諭據蘇州巡撫陳大受奏稱淮徐海三屬先於六月初旬東省沂蒙等處之水並發以致江南沂

沐六塘運河一時俱漲又因本地雨水過大邸宿
清桃安海靖沐八州縣田地被淹銅沛豐蕭陽淮
六縣具報被水又因河湖異漲水趨下游寶應阜
寧浦水田地復被淹浸山鹽等處低田亦在所不
免等語江南本屬水鄉而此十數州縣逼近湖河
常有水患今年水勢較前更大是連年歉收之地
又被災荒朕心深用憫惻著該督撫加意撫恤不
必拘於成例務使災民不致失所從前降旨令該
地方官於豐收之處採買穀麥以備賑濟之用著
再將本年漕糧截留二萬石令該督撫酌量分給
被災州縣以資接濟該部即遵諭速行

御製復聞淮海所屬州縣被水亟命地方大吏加

意撫恤南顧惻然因成長句

兩

海海伊古稱澤國邇來災後何其多壬戌大浸民
其魚屋指五載曾未過今秋淮黃乃並漲魚行於
地鳥處河白日鎮見蛟龍聞當秋安得倉箱羅草
根爲爲盤上頌守臣所奏非傳訛嗟嗟哭餘吾赤
子元氣未復將如何倉粟庫帑爾莫惜溝壑待救
難嗟陀眈焉願之潛焉涕我政有大承天和

九月初四日奉

上諭朕前降旨截留下江漕糧二十萬石以備賑
糶之用今思上江鳳潁泗各屬地方亦多被水雖
視淮徐海較輕而該處積穀之餘復遭水患亦應
豫籌接濟著將安徽省起運漕糧截留十萬石令該

恤酌量分運被災州縣以儲民食該部即遵諭速行

初六日奉

上諭今年山東被水雖不過一鄉之內間有數區而州縣頗多恐倉儲所貯不敷賑糶之用著將該省本年漕糧內截留十萬石令該撫分派各州縣衛以為備用

二十五日奉

上諭據福州將軍兼管閩海關事務新柱奏報本年七月內有暹羅國商人方永利一船載米四千三百石零又蔡文誥一船載米三千八百石零併各帶有蘇木鉛錫等貨先後進口查該番船所載

米石皆不足五千之數所有船貨稅銀未便援例寬免等語該番等航海運米遠米慕義可嘉雖運米不足五千之數著加恩免其船貨十分之二以示優恤該部即行文該將軍知之

十一月初八日奉

上諭今歲江南上下江被水等處現在加賑需米之處甚多恐倉儲不敷所用浙江連年豐稔今秋又獲有收著將永濟倉舊存穀石動撥十萬石協濟江南其如何運往之處該督撫會商妥協速行辦理

十二月初八日奉

上諭今歲上下兩江因水災備賑截留漕糧三十

萬石所有減歇漕船旗丁例支月糧一半以資苦
益但念此等減歇軍船多在被水縣衛之內米價
昂貴旗丁生計未免拮据着加恩於常例五分之
外增給二分以示軫恤旗丁之意

平惠全書卷四十八

平惠全書卷四十九

截撥裕食三

乾隆十二年二月初七日奉

上諭山東去歲被災朕屢降諭旨賑恤今歲又加
辰月分今聞被災窮民北來覓食者甚衆朕心深
為軫念著截留漕米十萬石分貯數州縣令巡
撫阿里衮加意體察或應酌量加賑或應發粟平
糶以裕民食俾災黎接濟有資毋致輕去其榔安
協辦理具奏以聞該部即遵諭速行

五月十八日奉

上諭山東地方上年歉收已先後截漕二十六萬
石存貯該省以資接濟今年春夏以來該省雖得

兩洋尚有未經需足之州縣將未秋收或可歉薄之處應行豫為籌畫即或有收便可於該處存貯現據漕運總督顧琮奏報尾幫漕船于五月十四日全數過臨清臨此時糧艘諒在德州左右可速行傳諭顧琮再行截留十萬石以備動用如此時尚在山東境內可就近留貯德倉若已過德州即于水次州縣酌量收貯該部遵諭速行

六月初七日奉

上諭現在運到漕糧著於尾幫內截留二十萬石存貯天津北倉倘將來直隸等地方有需用米石之處即由天津運往較之抵通備運更為便宜該部即遵諭速行

九月十二日奉

上諭據巡撫阿里衮奏稱山東被水州縣衛所已照例先行撫卹東省動用穀石多未買補明春青黃不接之時需用米穀實屬浩繁除撥運到糧四萬七千餘石關係

陵糈仍照例起運外下餘漕糧請全數截留以資賑濟之用等語該省被水災黎朕心深為軫念將未賑卹需米自多著將本年應徵漕運及應運到糧一併截留以備賑糶之需其

陵糈應用米石仍交與直隸總督那蘇圖於八溝採買米石內照數運往

十月初五日奉

上諭江蘇所屬沿海州縣行被風潮前已降旨截留該省漕米二十萬石備賑之用但思此番被災地方廣濶戶口實繁至淮徐海各屬積穀之區亦應豫籌接濟將來加賑平糶需用必多著再於下江漕糧內截留二十萬石以資接濟其如何分別存留派撥之處該督撫悉心妥辦奏聞該部遵諭速行

十一月初四日奉

上諭據山東巡撫阿里衮奏稱該省被災州縣應行賑恤之處俱係銀米兼賑需費浩繁業蒙恩將乾隆十一年地丁銀兩扣留備用其來歲青黃不接之時尚應豫備接濟請於乾隆十年地丁留協

鄰省銀兩項內的量存留備賑等語著照所請再留銀五十萬兩以備撥賑之需該部即遵諭行

十二日奉

上諭直隸總督那蘇圖奏稱天津靜海二縣今歲偏災較重現在加恩善賑但二縣地處窪下屋木無多又僻在海隅商販稀少本無米路不得不為明春豫籌調劑請暫開奉天海運等語著照所請准其暫開一年俟明歲秋收復停止具如何給照採買查驗發糶以杜偷漏之弊該督率有司妥協辦理並諭盛京將軍知之

乾隆十三年正月初七日奉

上諭朕因上年江南被災降旨將下江漕糧截留

八十萬石以資賑糶之用其減存旗丁例止給一半月糧但朕念畿漕甚多在旗丁舵水所領月糧恐致不敷養贖難免向隅著將例給一半月糧之外再加給三分俾得俯仰有資該部即遵諭速行

二月十四日奉

上諭上年山東被水成災已屢次加恩賑卹小民不致乏食但念東省被災州縣既多將來尚需接濟一切動用食糧俱應豫為籌補今朕巡幸所經恫瘝在念若再加恩截留南漕六十萬石以補各屬倉儲及將來借糶之用其應於何處截留作何分貯運送今阿里衮會同那蘇圖酌議具奏該部即遵諭行

十五日奉

上諭朕因山東上年秋收降旨截留該省漕糧以備賑糶向例減運旗丁支給月糧一半以爲苦蓋養贍之用若俟部覆後始行給發未免遲緩今朕巡幸東省於念旗丁費用拮据著加恩於例外再賞給一成卽於月糧銀米內就近給發俾得俯仰有資該部卽遵諭行

三月二十三日奉

上諭朕因山東被災甚重日夜焦勞溝壑流離之慘曾經目覩鐵溺之懷切切於心現今雨澤未降二麥又已過期卽使得雨收成亦必歉薄極艱之方不可不急爲豫備朕已傳諭該撫阿里衮令其

熟菁長策以資民食因思就近接濟惟鄰封是賴
與東省連界之直隸河南安徽江蘇等省今歲雨
澤調勻春花暢茂麥收均有可望著各該督撫酌
看本省情形目下二麥雖未登場而儲蓄亦已有
備即將存倉積貯穀麥作速動撥委員運赴東省
以備賑恤之用俟秋成後照數買補其運腳准其
照例核銷該督撫等即將撥運實數具摺奏聞運
到之日巡撫阿里衮一面奏聞一面照例散給其
民間餘粟無論米豆雜糧廣為招集以便購買協
濟古稱穀荒如救焚拯溺早一日得一日之濟各
該督撫等其曲體朕懷共以賑惠恤災為急不可
稍存比疆彼界之分以副朕惻隱一體至念

六月初九日奉

上諭江蘇地方人烟稠密食恃浩繁目下二麥雖已登場而收成止在六分上下米糧價直未能平減尚須接濟以裕民食令歲江西省麥收豐稔倉儲現在充裕所當酌盈劑虛通融撥協著將江西存倉穀內碾米十萬石撥運江蘇以備平糶之需該部即行文該督撫等令其遵照妥辦

十三日奉

上諭江蘇淮徐海三府州屬頻年災歉朕多方賑卹災黎雖獲安全而元氣終難驟復且賑糶浩繁災屬倉儲一時未能採買足額所當因時籌辦俾民力稍紓積貯有備所有歷年因災緩徵漕糧均

應今冬徵足搭運解通但念此項緩漕皆係節年
災田出辦今歲秋收小民既完本年之新糧復帶
辦數年之緩漕民力未免拮据著將淮徐海三屬
災緩漕糧八萬七千餘石免其搭運即截留各本
處以為補倉備賑之用不拘秫豆粟麥各項雜糧
聽民就便陸續完納至來年麥熟後徵足貯倉以
資儲備該部即遵諭行

八月二十五日奉

上諭陝省西安同州鳳翔乾州上年秋收較薄今
年又復被旱災民食維艱朕甚憫焉著該撫陳宏
謀查明加恩賑卹其需用木糧雖於該省動撥倉
儲猶恐不足豫省與之鄰近泛舟甚便其令河南

巡撫碩色將就近倉穀碾米五萬石撥運陝省以備接濟該部遵諭速行

九月二十三日奉

上諭喀爾吉善潘思榘奏稱漳泉二府晚收已成早象應豫籌接濟朕思漳泉為閩海巖疆戶口繁衆本省官倉恐不敷用今歲各省秋成俱稱豐稔漕糧可盡數起運著於江南漕糧內截留九萬石浙江截留六萬石共十五萬石由海道運至閩省以裕儲備較之該督撫於本省中善接濟者為益廣而便其酌量情形遠委委員乘時發棹著該督撫會商妥協辦理

十月十六日奉

上諭各省漕船幫丁行月漕截等項銀本如遇截漕留減其給過各項錢糧分年扣追此定例也浙江乾隆八年截留運閩案內之紹興後幫乾隆九年截留臨清案內之台州前幫海寧所幫乾隆十年截留本省備用案內之杭前後杭右後二幫皆有未清之項若按限扣追丁力未免拮据著將紹後幫應完一限銀兩俱分作三年扣還台前幫應完兩限銀兩分作四年扣還俾丁力寬舒以示朕體卹旗丁之意該部即遵諭行

二十三日奉

上諭乾隆八年江浙二省截漕二十萬石運閩備用經崇明總兵胡貴親詣上海陸續雇備海船分

昨六幫押運前往今所有江蘇浙江截漕十五萬石由海道運閩之處著派崇明鎮總兵王澄押運令其與該省督撫會商雇覓船隻銜尾揚帆分幫前進該鎮沿途留心稽查照看約束兵丁催趲督率毋令米色顯變船戶偷漏遲延時日致滋弊端務期辦理妥協直達閩疆以裕積貯

乾隆十五年五月初七日奉

上諭朕明春巡幸江浙經王大臣等議准每省截漕十萬石以資平糶朕已允行今據總督黃廷桂奏稱巡幸江南經臨之所站多地廣原議之數恐有不敷再請截留五萬石等語著照所請再截留漕糧五萬石俾糶用充裕其作何截留及應在何

處平糶該督黃廷桂等即行會商妥協辦理

七月十三日奉

上諭上年各省豐收所有漕糧現已全數過津著於最後幫次內截留十萬石即由原船運回天津存貯北倉以備將來直隸地方或有賑卹之處動用或留補常平不足額數該部即速行文倉場侍郎等妥協辦理

二十九日奉

上諭前經降旨於南漕尾幫未交倉糧數內截留十萬石貯天津北倉備用今據該督方觀承摺奏尚有應行平糶及酌借籽種口糧之處著再截留漕糧十萬石一併存貯務使撥用寬裕緩急有資

副朕軫念民休至意該部遵諭速行

十月初一日奉

上諭向來截留漕糧歇幫船隻例折一半本月糧俾旗丁皆以養贍朕前因南省明春需米將江浙二省乾隆十五年漕米共截留二十五萬石應減幫船頗多若照例給予折半月糧恐其口益食用尚有不敷著加恩於應給折半之例再賞給二分以卹丁力該部即遵諭行

十四日奉

上諭朕明春巡幸江浙曾經降旨每省各截留漕糧十萬石以資平糶之用今據永青摺奏溫台各屬今歲秋收稍薄米價未免增長等語著將浙江

省庚午年漕糧再截留五萬石俾糶用充裕民食
有資所有截留撥用事宜仍著該撫詳悉酌善妥
協辦理該部即遵諭行

十七日奉

上諭據方觀承奏稱今歲天津靜海等縣被有偏
災窮民已蒙賑卹惟是天津素不產米糧價漸昂
恐來春青黃不接之時民食無資請開海運一年
惟令商民前往採買運直接濟等語著照該督所
請准其暫為開禁俾商民前往買運以備賑糶之
用並令該督酌定數目咨會奉天將軍府尹並山
東巡撫給票稽查嚴禁奸商等借端偷買透漏該
部即遵諭行

十一月初六日奉

上諭今歲直隸固安等處偶被偏災收成稍薄著將乾隆辛未年豫東二省粟米截留十萬石以備來春賑糶之用其保定雄縣所有明年應辦兵米即於此內支撥俾其採買至固安霸州寶坻玉田順義東安良鄉大興等八州縣較收之地米價稍昂其應需本年冬季及來歲春季兵米著加恩准照舊例每石增價三錢以示軫卹兵民至意該部即遵諭行

乾隆十六年正月十五日奉

上諭直隸上年偏災州縣現在降旨加賑有需用米石之處著將河南本年運通粟米截留十萬石

交總督方觀承酌量辦理該部遵諭速行

二十九日奉

上諭上年江安二省內有偏災之宿州鳳陽泗州長淮宿遷邳州大河海州等處各該撫業將本年應徵新舊漕糧題請分別蠲緩所有此項減船運丁苦蓋日用之需未免拮据著加恩於例給折半月糧之外再賞給二分以卹定力該部即遵諭行

五月十九日奉

上諭浙省溫台等屬米價昂貴本地存倉米穀不敷平糶之用民食未免拮据朕心深為軫念著交與江浙二省督撫於浙省及江省稍近州縣常平倉穀內酌量應需數目作速動撥碾米運往溫台

等屬接濟中糶具常平所缺之額即於浙省冬間
先運漕糧內照數截留撥補運倉該部遵諭速行
六月十六日奉

上諭據浙江巡撫永貴奏稱浙省現資糶賑請於
湖廣兩省中撥穀碾米協濟若係額外溢穀即補
浙省不足之額若係額穀則將浙省糶價解還楚
省歸款等語著照永貴所請令楚省督撫等酌量
撥穀碾米二十萬石即著浙省委員前赴漢口接
運赴浙以備糶賑之用該部遵諭速行

二十七日奉

上諭據永貴摺奏杭嘉湖三府屬縣均得大雨需
濡可冀有秋惟浙東八府自前月下旬至今尚未

得透兩浙東各屬商販罕通民間日食急需接濟
江南福建二省與溫台寧處四府接壤懇令彼此
通商暫弛海禁等語前因該省溫台等屬需米平
糶即令撥運閩穀數萬石並於江省稍近州縣常
平倉穀碾米運往接濟續又以浙省現資平糶輸
令楚省酌撥穀石碾米協濟以備賑糶之用今浙
東府屬雨澤愆時該撫豫籌民食請弛海禁著照
所請江閩二省運米商販赴浙屬之溫台寧處四
府者准其暫開海禁仍令該撫飭屬給予印票沿
途實力稽查嚴禁奸商等借端偷買透漏其浙省
各關口並著加恩免徵米稅以示招徠務俾商販
流通米糧充裕該部遵諭速行

八月初三日奉

上諭據阿里衮等奏請將湖南碾運浙省米十萬石懇於長衡岳澧四府州歲運漕糧內截留補額等語湖南上年秋收本不甚豐此項撥運米石若俟浙省解還價直之後買補未免遲緩著即於長衡岳澧四府州歲運漕糧內截留十萬石以補倉儲該部即遵諭行

初五日奉

上諭今歲浙省被旱成災米糧昂貴朕念該省綠旗兵丁差操巡防別無生業所得月餉不敷買食之用生計未免拮据著加恩將浙省被災各標協營兵丁每名借給米二石俟各省協濟米石運到

及截有漕米之日令該督撫分次借給於壬申癸酉兩年內扣餉歸款俾窮民得以接濟以示軫恤該部即遵諭行

初五日奉

上諭浙東數府今年被災較重朕多方籌畫一切
協濟採買免稅弛禁已較該督撫悉心經理但念
該省現在賑濟平糶需米孔殷非尋常偏災可比
著將浙江應運漕糧內特行截留五十萬石以資
賑糶之用漕糧乃天庾正供向來各省截留至多
不過以數萬計該督撫當念此次格外優恤董率
屬員實力妥辦並曉諭百姓循分待賑以承朕軫
災正俗之恩

初五日奉

上諭據高斌等奏稱各省各屬倉儲現有賑缺米穀尚未議補並民借籽種未運雖今歲秋成一時不能買足且豫備米歲平糶需用甚多等語著於安歲歲運漕糧內截留六萬石存貯該省俾倉儲充裕緩急有資該部遵諭速行

初八日奉

上諭據高斌王師楬奏江蘇省原貯倉穀預歲動撥暨本年協濟浙省缺額甚多且現在江常鎮徐等屬間有水旱偏災亦需賑借米歲青黃不接亦宜預備平糶等語著於該省額徵漕糧內截留三十五萬石分貯各屬以資倉儲一應截留撥補事

宜該督撫酌量妥協辦理該部即遵諭行

初九日奉

上諭上年天津府屬偶被水災所有存倉穀石動撥甚多今歲直隸各屬收成豐稔天津一府雖復有秋較之他處尚為稍薄若因倉儲亟須買補即於該處購覓轉恐市價漸昂殊於民食無益現在奉天所屬豐收又與天津一水可通著該督方觀承酌動帑項委員前往買米十萬石由海運津查明缺額各州縣分撥存貯以資倉儲該部即行文盛京將軍府尹等知之

十五日奉

上諭今歲浙東被旱成災經朕多方籌畫降旨裁

留該省漕糧五十萬石以備賑糶之用更念此次被災較重所有本省漕糧內即有應行緩徵帶徵之項尚應多為籌備以資接濟著加恩將江蘇省應運漕糧再行截留三十萬石運往浙省交該督撫以為酌量動撥賑糶之用其各州縣屬倉儲有應酌補者於本省截留五十萬石內從容通融撥補朕軫念民艱不惜屢施格外之恩該督撫等務期董率屬員胥力妥辦副朕加惠災黎之意該部遵諭速行

九月十四日奉

上諭江西協濟浙省米三十萬石調任巡撫舒輅已委員督運前往浙東請即所需賑糶及撥補倉

儲為數浩繁部省運到米石多多益善但江西使
使雖屬豐稔而一時買補恐市價因之轉昂著於
本年應徵漕糧內截留十五萬石以為撥補之用
令該撫通融籌酌妥協辦理該部即遵諭行

十八日奉

上諭山東濟南等府屬今歲夏秋被水成災業經
加恩賑恤更念該處被災之後糧價漸昂所有各
州縣存倉穀石未必盡皆充裕其沿海之登青萊
等府地屬陽僻轉粟為難尤當亟籌接濟以裕民
食奉天與該處一水可通著照乾隆十三年之例
暫弛海禁令招商前往購糴運東糴買俾濱海窮
黎無虞艱食其商船出入口岸仍令該地方官照

例給予印票實力稽查毋致透漏滋弊該部遵諭
速行

二十七日奉

上諭乾隆十三年截留江省起運漕糧六十萬石
分貯山東備賑所有給過各幫旗丁行月耗贈銀
兩例應按其程遠照數追繳經部行文於應領新
項內全行扣還但各旗丁現年所領錢糧僅供一
運之用若一時全扣所剩無幾窮丁解運必多竭
蹶著加恩將滁蘇等十四幫應追銀三萬一千餘
兩寬至壬申年為始分作三年扣完其江興等十
三幫並無屯田贍運及什軍幫貼情形更屬拮据
應追銀七萬四千餘兩亦自壬申年為始分作八

年扣完律軍力舒展該部即遵諭行

十一月十三日本

上諭今歲江浙湖南等省前後降旨截留漕糧共一百四十六萬石又因江浙河南山東等省均被偏災復將被災州縣新舊漕糧分別蠲緩其應減幫船甚多念該旗丁等所有各益日用之費若照例給與一半月糧恐有不敷其災減軍丁情形自更拮据著將該省截留蠲緩減船各丁於例給折半之外再加恩賞給二分以恤丁力該部即遵諭行

乾隆十七年四月十三日本

上諭上年浙東被災特重賑卹多方本省倉儲俱

經動撥江西湖廣上年亦有漏災象之接濟鄰省
撥用倉穀為數亦多俱應於今秋收後買補朕思
各該省今春米價俱昂即令西成豐稔而一經採
買市價仍恐不能平減京通各倉積儲陳陳相因
現在盤驗本欲少進南漕使新舊不致交錯以滋
弊竇應將浙江江西湖廣三省今歲漕糧分別酌
留本省各該省萬一水旱不齊情以無慮即遇豐
稔則以本地所出留為撥補倉儲之用無藉採買
新糧於民食自為有益若軍機大臣會同該部速
議具奏

御製截漕詩

有序
五中

國家歲轉漕東南天庾賴焉過偏侵或特恩即

其地截漕楮賑之非需賑未有以截漕為言者
比民間米價日貴雖愆秋因採買輒益昂爰較
截留楚浙西江漕米各若干以補常平蓋今太
倉先羨間行之亦酌盈濟虛之道耳恐司牧者
未喻作詩示之

截船濟災區初偶今成例匪災仍截漕自我排衆
議待善慎所思論亦經遠計獨是秋稔處官糴輒
翔貴陳陳致紅朽孰與資博濟以此足常平市價
自平易德流則何有效順速郵置湖南報有秋江
右稱乃積二省廳流通天下可無事補救殫我心
豐亨賴

天賜京庾實本根儲蓄責有備申命方伯臣惠不

可常試

九月二十三日奉

上諭浙江江西湖廣等省上年動缺倉儲恐一時採買市價騰踊因酌量截留各該省本年應運漕糧以資撥補所有浙江截留四十萬石江西截留二十萬石湖廣截留十萬石其減歇船丁雖非因災可比但照例給與折半月糧各丁若益日用之費未免拮据著與例給折半之外再加恩賞給一分以卹丁力該部即遵諭行

平惠全書卷四十九

平惠全書卷五十

裁撥裕食四

乾隆十八年六月初九日奉

上諭現在天津亢旱天津一帶河流未免淺澀重
運維艱著將南漕尾幫於抵津時截留二十萬石
存貯天津水次各倉備用該督等即遵諭妥協辦
理

十一日奉

上諭直隸各屬入夏以來雖連次得雨終未霑足
目下天氣炎燥望澤正殷朕心日切焦勞若再遲
旬日不能善被甘霖恐秋成分數不無有減小民
饑殍即宜預為籌畫前已降旨於天津截漕二十

萬石以資接濟其各屬中或有應行籌辦事宜該督方觀承亦即宜悉心妥協料理務期有備無患以副朕軫念民瘼至意該部遵諭速行

七月初九日奉

上諭前經降旨截留南漕二十萬石分貯天津水次各倉備用但恐該旗丁等以非抵通交納可比於米色斜面或至任意攙和短少希圖朦混克收而州縣印官不能親身經理胥役人等又往往借端勒索於中漁利此等弊端均所不免著該督方觀承即飭天津道董承勳親往監看嚴加稽察嗣後如有截漕省分俱著該督撫等專派就近駐劄之道員監看稽察不得但委之州縣佐貳以致弊

端者為令

八月初七日奉

上諭淮揚高寶等處現被水災朕心深為軫念已降旨令該撫莊有恭前往查勘賑卹朕思該處猝被災傷小民蕩析離居艱於餬口一應撫卹事宜不可不多為籌備著將江蘇本年應徵漕糧截留四十萬石該督撫等酌看災地情形分別運貯戶部秋撥銀兩亦著於該省多為酌留臨期奏聞請旨以備賑糶之需該督撫等督率所屬實力妥辦務令災黎均霑膏惠該部即遵諭行

御製下河數

自癸

下河十歲九被滯今年洪水乃異常五壩平分勢

木殺高堰一錢危駢塙寶應高郵受水地通運一
望成汪洋車運疏洩漲莫禦河臣束手無良方伏
風西北勢復暴遂致衝清田禾傷哀哉吾民罹昏
墊麥收何救西成荒撫臣奏云今歲麥收較稔歲
收遇災而市糶未滿故云歲
漕出帑勅丈吏無遺寧濫丁寧詳百千無過數十
一何如多稼歌豐稔舊聞河徒奪淮地自茲水患
恒南方復古去患言豈易怒焉南望心滂沱

十二日奉

上諭今歲淮揚下游被水亟需賑卹前已降旨截
留該省本年漕米四十萬石備賑濟之用但該處
戶口極繁必尚多需米石向來善辦賑務每動帑
委員告糶鄰境市僧聞風涌僧射利往往因一省

被災而鄰封稔歲胥受責備之苦非救荒善策也
朕思定例米銀兼賑而江淮舟楫相通商販四集
貧民得銀即可易米正當聽其自為流通不必官
為採買如所截漕糶及該省倉儲尚不敷賑給該
督撫卽隨時奏聞請旨現在太倉充裕朕不惜多
分天庾之儲惠此嗷嗷北姓該督撫等惟當督率
屬員實力撫綏毋令一夫失所並出示曉諭災民
各安分待賑以副朕軫念至意該部遵諭速行

御製聞江南米價平詩以誌事

戊甲

淮揚秋災重澤鴻時屋慮亟力事燒草乃得涸沮
泐興化及鹽城頗有春耕處加賑不意再稽恐或
遺誤邇來人轉旋徧野青秧佈恃此民心安鄉里

不輕去又聞市頭木其價乃如故此事豈無錄凡
百謀青預去歲災方形倡言採買穀間之亟止之
民趨利如鶩踊貴有必致况復吏役蠹大率官收
五民將倍十措不如聽其便濟之哉漕屨伊余善
之深可以淺言論今有人於此愛其幼子孺其子
日三食無喜亦無怒與二藏其一曰防汝饑哺其
子必欲食反以調饑訴耕餘有成言古執與今庶
奇語牧民人禮經未易註

二十三日奉

上諭江南淮揚一帶被水成災前已降旨截留該
省漕糧四十萬石以備賑糶之用但該處被災甚
廣亟當多方籌畫以資接濟昨據著四川總督黃

廷桂奏稱川省今年收成豐稔米價處處減賤等語蜀江直達維揚袖撻易致漢時下巴蜀之粟以賑江南若借川省倉儲額穀助江南賑恤俟秋成後該督再行酌量買補運倉則採買亦不致騰價貴為兩得著黃廷桂於該省倉穀內酌撥二三十萬石遴委賢員作速運往俾災黎鋤口得有倚賴江南無事採買庶鄰省不致涌貴該部遵諭速行御製四川總督黃廷桂奏蜀省歲豐穀賤因命轉東二十萬石賑淮揚被水州縣詩以紀之西登

全蜀幸逢年赦間移東船不因請漢詔拯溺自應然水連移於江南朕懼其饑寒不活方下巴蜀之粟鼓之江陵見漢武帝元鼎二年詔

十月初二日奉

上諭今年七月間河湖盛漲高寶一帶下游居民
被水該撫莊有恭即行咨商豫東兩楚及江西浙
江等省撥協米石以備賑卹及朕降旨截漕撥運
川米率已足用不致以一省被災而致各省皆食
青米故曾降旨謂莊有恭所辦稍涉張皇而莊有
恭旋復奏稱賑濟已足敷用所有各省俱可無虞
撥協等語蓋其始則未經審酌實在情形其繼則
又矯枉過正所辦皆為未協故於其奏到即仍令
江西湖北各撥米十萬石運往應用但銅山隄工
復又漫決數邑被淹災黎無所得食朕心軫念日
夜焦勞其令河南山東湖南仍照前議各撥米十
萬石浙江量撥米五萬石速即委員運交該撫以

備賑濟之用該部遵諭速行

初三日奉

上諭今年黃河或漲徐淮被災雖於武漕之外復降旨撥運各省米穀以備賑恤但災地既寬且撥運之米亦恐緩不濟急著將江省本年漕糧再截留二十萬石俾災黎可以即資糊口不致失所該部遵諭速行

初九日奉

上諭浙江杭州乍浦滿漢兵米足織造匠役月糧向於地丁米折銀內動支赴江南蘇常等處採買今年淮揚被水成災賑卹需米甚多若仍照例購辦恐於本地民食益致匱乏所有此項應需米石

著於浙江今歲漕糧內截留五萬石抵充兵匠口糧該部即遵諭行

十一日本

上諭安徽巡撫銜哲治奏本年九月徐州隄工漫決上江所屬宿州靈璧虹縣泗州盱眙一帶地方俱經被淹現在積水不能宣洩二麥難以播種等語前此上江各處僅報偏災今宿靈虹泗等七州縣銜被災正重不得仍照偏災之例辦理著該督撫等將被災戶口詳悉查明照淮徐例銀米兼賑所需銀兩戶部前奏秋撥業內雖撥四百餘萬未經議及安徽著另行速議酌撥以備該處賑恤之用其前撥安徽省協濟淮徐備賑米石本省既被重

災毋庸復撥該督撫體朕如傷之意無使一夫失所該部遵諭速行

十七日奉

上諭前因銅山隄工漫決上江之宿靈虹泗盱眙等屬被水成災已降旨令該督撫查明賑濟徐之例銀米兼賑但恐賑卹所需米石尚有不敷應廣為籌備著將徐州受克之長淮大河二衝漕糧五萬石截留安徽省備賑再前令江西撥往江蘇米十萬石現在淮徐一帶截留運濟為數已多著將此項一併就近運往安徽以備賑濟之用該部遵諭速行

十一月二十三日奉

上諭前因上江宿靈虹泗盱眙等屬被水成災降旨將徐屬之長淮大河二衛漕糧五萬石截留安徽省備賑今據衛哲治奏長淮大河等幫本年均被水災現議緩徵請即於鳳潁泗三屬未被災四應徵米石及安廬等屬漕糧內截留五萬石以抵蘇省應派之數至上江已截留五萬石則下江只應截留五十五萬石等語長淮大河二衛漕糧既被水緩徵著照所請即於安廬鳳潁泗等屬應行起運漕糧內截留五萬石以備安徽省賑卹之用至下江著仍遵前旨截留六十萬石不必因上江另擬撥截遽議扣除北運今歲淮揚徐海各屬被災甚重災黎嗷嗷待哺朕心深切軫念雖已多方善濟

但使有資民食朕無所愛該部遵諭速行

乾隆十九年正月初二日奉

上諭上年江南浙江前後降旨截留漕糧共七十萬石其被災州縣復經分別蠲緩漕糧所有減存蠲船甚多該旗丁等所書苦蓋日用之資若照例給與一半月糧未免拮据著將各該省截留蠲緩減船各丁於例給折半之外再加恩賞給二分以卹丁力該部即遵諭行

八月初一日奉

上諭淮揚所屬高寶等處因雨水過多窪地居民又復被淹已飭該督撫查明被災處所加意撫恤所有應行賑恤戶口需用米糧著於乾隆十九年

江蘇省應運新漕內截留十萬石就近存貯以備
縣卹之用該部遵諭速行

十二月十二日奉

上諭本年淮揚所屬高寶等處因雨水過多被淹
成災加恩降旨截留漕糧十萬石以備賑卹所有
減歇幫船例給一半月糧但該丁等未免俯仰拮
据著於一半月糧之外再賞給一分以資養贍

乾隆二十年七月二十七日奉

上諭今年江淮徐揚等屬間有被水之處已先後
降旨令該督撫查明賑卹今據據莊有恭奏大江
以南之陽湖江陰靖江金匱溧陽等縣大江以北
之江浦六合二縣及淮徐海三府州縣均續有經

被水之處雖據該撫稱現在辦理撫卹子屬未償亦尚平咸但款收處所未款宜早為籌備著將該省本年漕糧截留十五萬石以資備用該部遵諭速行

八月初十日奉

上諭今年淮揚等屬下游居民被水亟需賑卹已降旨截留漕糧十五萬石今據該省有奏稱今歲該處被水之時較十八年更早且經疊次被淹民情拮据朕心深為軫念著將本年應運漕糧再行截留十五萬石以備賑濟之用該督撫等並飭屬員實力查辦務俾災黎均需膏惠該部遵諭速行

九月初五日奉

上諭淮陽各屬被水成災朕屢降旨加恩撫卹並
截留備賑戶繼善等現今查辦但念該處疊被災
浸民情艱苦著將江蘇省本年應運漕糧再行截
留二十萬石為賑糶之需並著河南巡撫圖爾炳
阿儉豫省東麥二十萬石遣委妥員速行運至徐
邳等處就近交收以備賑卹戶繼善等務董率屬
員實心辦理以副朕軫災黎之意

十三日奉

上諭喀爾吉善等奏稱明歲南巡請照例截留漕
糧備用等語著照所請准將浙省本年應運漕糧
截留十萬石以備來春之用該部即遵諭行

二十八日奉

上諭淮揚及江蘇等府屬本年偶被偏災已屢飭該督撫加意撫恤賑賑卹截漕糧東登次加恩並降旨於例應蠲緩外將勘不成災應徵漕糧酌量改復折色以紓民力但恐未歲青黃不接之時糧價漸致昂貴不可不寬裕儲備著將湖廣省本年應運漕糧截留二十萬石江西省本年應運漕糧截留十萬石俱即委員運赴江蘇分撥收貯以備將未接濟之用其應於何處附近水次州縣交收著該督撫妥協辦理該部遵諭速行

十月初六日奉

上諭浙江嘉湖等屬與江蘇毗連該處今年蠶收歉薄又於七八月內間被雨水寧紹等屬均有風

湖秋禾下無淹損前於該督撫等奏報諭令加意
撫卹著再傳諭該督撫查明災地錢糧有應行蠲
免及緩徵者體察情形分別辦理一應撫綏之事
務宜董飭所屬實力為之母俾災民稍有支所其
該省本年應運漕糧前已有旨截留十萬石若再
加恩截留五萬石分撥存貯備用該部遵諭速行

二十三日奉

上諭江省淮揚各屬秋潦成災前已降旨截留湖
廣漕糧二十萬石運往備用今據陳宏謀奏動湖
南漢鎮倉穀二十萬石碾米十萬石運至江南接
濟平糶等語災地米糧多多益善碾運倉穀以資
平糶既不上市價居奇於民食更為有益陳宏謀

所辦甚屬妥協著照所請速行該部知道摺並發

十一月初三日奉

上諭今年安徽省鳳泗等屬秋禾被水間有成災處所雖已令該督撫等加意撫綏賑卹毋使少有失所但至來春青黃不接恐糧價稍昂民食未免拮据尤當預為籌辦前據陳宏謀奏動湖南溢額倉穀碾米十萬石運至江南接濟平糶此項米石著即運交安徽省附近水次各州縣收貯以備糶借之需該部遵諭速行

二十二日奉

上諭本年江浙地方間有歉收處所截船備賑並蠲緩改折所有應行減歇丁船例支一半月糧但

念該處現被水災米價稍昂幫丁餬口不無拮据
著加恩於應支一卅月糧之外再行賞給二分以
示體卹該部即遵諭行

十二月初五日奉

上諭各省年歲豐歉不齊全賴商販流通有無懋
遷以資接濟向來地方官懷私邀譽罔顧大體雖
有遏糴之禁而陽奉陰違者仍復不免今年江浙
所屬偶被偏災本地米糧既少勢必藉資鄰省誠
恐不肖有司昧殺災卹鄰之義阻遏糴販市胥益
藉以居奇地棍因而滋事則災地民食倍覺拮据
著傳諭四川湖廣江西河南山東各督撫等嚴飭
屬吏通行曉諭凡有商販米船不拘大小多寡聽

其裝載流通不得過權如有地方無拘棍徒借端
僥阻者即行嚴拏治罪該督撫等務宜實力奉行
以副朕一視同仁之意

乾隆二十一年正月初二日奉

上諭上年江浙兩省歉收屢經降旨裁漕賑卹令
該督撫等多方撫綏惟是該省收成既歉米糧市
價自必昂貴全賴高販流通源源糶運以資接濟
所有江浙二省各關口應徵米豆額稅俱著加恩
暫行免徵以廣招徠至秋收後照例輸納務期實
販輻輳市值平減俾小民無食貴之慮該部遵諭
速行

御製新正降旨加賑江浙去歲被水饑民並免米

豆稅詩以紀事兩

珍行三吳區畝鴻敷連歲昨秋更甚前嘉杭亦奄
逮下濕已無收幸餘高原地而何蟲生之嚴霜復
早立嗟哉憐獨民胡堪諸惠卒比戶鮮益藏無怪
投踊膏粒災艱良方還存屯膏意截漕及留帑旁
等入粟制復思近利輩末豆免關稅庶幾殺漸多
差免流離疏轉壑念時禁調幕願常愧膏乏大高
能匪市馮謹惠

初二日奉

上諭江浙兩省上年俱有被災州縣屢經降旨該
督撫等加意撫綏並截留漕糧多方賑卹但念將
來青黃不接之時尚須平糶接濟以資口食湖廣

素為產米之區江西倉糧亦尚充裕著令江西湖南二省各撥米十萬石運交江蘇湖北省撥米十萬石運交浙江以備平糶之用各該督撫務董率屬員善為經理毋令市價增昂俾窮黎均霑實惠該部即遵諭行

初二日奉

上諭上年江浙兩省截留漕糧共一百一十餘萬石原為地方賑恤之需而其中亦有因朕南巡先期奏明清用者今思該二省現在歉收民食必須充裕方可有備無患雖屢經降旨多方撫卹而將來青黃不接之候小民鋤口維艱實堪軫念該督撫等拘泥前奏或留其有餘以致澤不下究非朕

意也所有江省截漕一百萬石浙省截漕十五萬石著交該處儘數賑糶撥用各督撫等其董率屬員善為經理務俾窮黎均霑膏惠副朕子惠元元至意該部遵諭速行

二十五日奉

上諭上年江南歉收屢經降旨截漕賑恤並令酌撥江楚等省東米運往平糶近聞該省米價尚未平減且南方全恃秋田收穫麥收亦屬有限其秋成以前尚須籌畫接濟去年豫東二省收成頗好麥價平賤著河南山東巡撫酌量採買小麥數萬石運江平糶並各飭屬曉諭商民流通販運俾災地民食充裕以副軫念

閏九月二十六日奉

上諭朕明春巡幸江浙所有洪宿頓次皆出自帑項絲毫不可累民第危從官兵以及外省接駕人等輻輳雲集經過地方錢米價直恐一時或致騰涌著將運京銅鉛兩省各截留十萬觔添鑄鼓鑄減價發賣並將該二省應運本年漕糧各截留五萬石減價平糶以裕民間食用該督撫其各飭屬員實心經理毋使胥吏滋弊務俾均霑實惠該部即遵諭行

十一月十六日奉

上諭今年江蘇銅沛等州縣有被水成災地畝已令該督撫加意賑卹恐將來仍有應行接濟之處

自宜先期籌畫著於附近江省之安徽浙江山東
河南酌撥銀一百六十萬兩於歲內委員運交江
蘇藩庫收貯備用該部即遵諭行

三十日奉

上諭前已降旨江浙兩省各截漕五萬石以備平
糶之用但明春巡幸所經江省地方較多五萬之
數恐尚不敷著截留五萬石分貯平平糶俾市價
不致昂貴於民食尤有所濟該部即遵諭行

乾隆二十二年正月初二日奉

上諭朕巡幸江浙前經降旨截留江蘇漕糧十萬
石浙江漕糧五萬石豫備臨期平糶之用所有此
項減歇漕船向例止給一半月糧於該丁等生計

未克拮据者加恩於應給月糧之外再賞給十分之二該部即遵諭行

二月二十三日奉

上諭江蘇徐州府屬之銅沛邳豐蕭碭睢等七州縣上秋偶被偏災業經蠲賑並施並將新舊漕糧概行停緩第朕念該處俱係積穀之區民鮮蓋藏將來青黃不接之時正需設法調劑所有七州縣熟田應徵漕米二萬四百餘石著即截留本地照例糶借庶於民食更為充裕該部即遵諭行

四月初六日奉

上諭徐州等府屬州縣叠被水災業經蠲賑兼施並截留徐州本處漕糧以供借糶昨車駕臨幸又

復將所有借欠籽種口糧下分新舊概予豁免凡以曲體頻施奠於災黎少濟今思該處倉儲未裕不可不豫籌著再將本年現運漕糧截留五萬石存貯徐州等府以備不時之需其上江之鳳陽等屬頻年被侵小民艱於謀食並著截留漕糧五萬石撥運鳳陽等處備用其酌截何幫漕船並如何分別收貯之處著該督撫等悉心區畫一面辦理一面奏聞該部即遵諭行

御製降旨截漕十萬石為徐州鳳陽各郡縣倉儲之備詩以言志

丁

加賑至夏五民猶未免饑平糶及借種諸政命齊施常平雖積貯展轉將無遺我身縱北來我心每

而馳彭城膏親歷瘟疫方乘時不待監門圖目覩
嗟流離鳳陽所屬縣聞亦同沛徐叶惠但施經見
向隅豈其宜夏非截漕時災重不可泥叶分貯補
倉缺緩急可賴之與我共治者寧非良有司體此
在抱心推行其善為

六月二十日奉

上諭河南歸德陳許等屬各縣夏雨連綿秋禾淹
浸前經降旨加恩撫恤一月口糧但念該處積水
驟難消涸窪地西成失望民食艱難不可不多為
儲備以資接濟著將該省二十三年應解漕糧截
留十萬石分貯州縣用實倉庾而裕民食其應於
何州縣截留分貯之處著該撫胡寶琛酌量情形

妥協籌辦仍將派撥各數具摺奏聞

七月初一日奉

上諭前因河南歸德等屬秋禾被淹積水驟難消涸亟宜豫為籌備已降旨將該省本年應解漕糧截留十萬石分貯州縣以裕民食今奏曰修奏稱被水之地出產有限恐應徵漕項輸將未免竭蹶等語豫省今歲被災較重朕心時為軫念著加恩將被水最重之州縣本年應輸漕項折徵一年其勸不成災及被水尚輕者所徵本色米豆即截留本省為冬春平糶之用並將該省今歲漕船著暫行停運一年多為儲備以資接濟該撫等務期董率屬員分別妥協辦理該部即遵諭行

初六日奉

上諭據劉健奏稱豫省被水州縣所需賑糶請將山東江南二省應運漕糧截留五十萬石運赴開歸陳許等屬以濟賑糶之需並請於該二省近河州縣倉貯內按一木二穀先行撥運等語豫省今歲被災州縣頗廣將來一切賑借平糶需米正多自當豫為籌畫以資接濟但山東江南二省近河州縣現在均有被水之處倉儲亦應留備未便撥運江西湖北與豫省每得可通乾隆四年豫省被災曾轉楚米協濟甚為妥便此次應撥糧石著交江西湖北巡撫在於該省相近河南各州縣倉貯內酌定數目咨會動撥運交豫省分派收貯其江

西湖北動撥穀數即將該省本年應運漕糧照數截留歸款以符原額仍將撥運截留各務一面辦理一面速行具摺奏聞

初七日奉

上諭今歲河南各屬被水成災已屢降恩旨籌辦撫綏但米糧充裕尤須商販流通著將江南江西山東湖北等省高販米麥雜糧船隻查條運往豫省災地糶賣者照乾隆四年之例經由赴豫各關加恩免徵糧稅俾得踴躍運糶災地足資接濟俟明年麥熟後仍報明停止該部即遵諭行

八月十四日奉

上諭據碩色奏稱湖北碾運豫米動撥穀五十萬

二千餘石該省本年額徵運京漕米止一十萬一
千餘石尚缺額常平穀約二十萬石請將湖南本
年運京漕糧十五萬餘石截留十萬石存貯北省
補運常平倉穀等語今年運河水大而米糧艘頗
多阻滯楚省過淮最後抵通既遲回空更致延誤
湖南應運漕糧竟可停其運京漕糧十五萬餘石
全數截留湖北除所請十萬石存貯該省照數補
運倉額其五萬餘石一併委員運赴豫省充收更
於賑糶有益該部即遵諭行

九月二十日奉

上諭江蘇淮徐海等屬連歲被災賑糶需米浩繁
附近災地倉儲類多缺額現在開修河道即日興

工夫匠雲集糧價或致昂貴不可不豫籌調劑漕糧上聞京儲原不應多截但該處現有工作若專恃鄰境採買恐緩不濟急著將戊寅年應徵漕糧截留二十萬石分撥各屬以資冬春賑糶之用該部即遵諭行

二十六日奉

上諭昨據開泰奏稱川省收成豐稔已碾米十五萬石運交楚省以備災地撥用今歲豫省現有江西北之米協濟災地已為有備著將川省運楚米石即由楚運交山東令該撫酌量分貯以資接濟自楚至東舟楫可通亦屬妥便該部即遵諭行

二十七日奉

上諭湖北從前賑運倉穀接濟河南經碩色奏明
截留湖北漕米抵補外俟湖南漕米經過武昌再
截留十萬石以補常平倉穀今該撫奏稱湖南現
有溢穀四十七萬餘石可令湖北東南領運歸倉
而湖南漕米仍可全數起運北上或於明春過淮
時的留徐屬等語徐屬災民屢加賑恤連歲俱經
截留漕糧米石自應充裕而豫省頻年被災今歲
方加賑恤現在該省自尚有需米之處著將湖北
應截留湖南之漕米十萬石撥給豫省以備接濟
其應如何轉運分貯之處著高勒渾莊有恭胡璣
瓌會商妥辦該部即遵諭行

十月二十日奉

上諭上江之風潮等屬大工同時並舉應募夫役
買食者衆恐一時米價昂貴著將截留江蘇漕米
二十萬石內酌撥五萬石分運上江各要工處所
接濟手糶該部即遵諭行

十二月初四日奉

上諭湖北撥運豫省木石抵豫交卸後原船回過
各關例應輸納船料但各船戶回棹時如已攬載
各貨其船料自應徵收若僅原船回空船戶未免
拮据著加恩免其徵收船料以示優恤該部即遵
諭行

二十六日奉

上諭安徽省現有需用工賑銀兩著戶部於附近

省分酌撥銀六十萬兩解之安省藩庫備用

孚惠全書卷五十